

Inclita metensi quem Francia miserat urbi
 Praefectum, qui dona ferens devenerat illo
 Anteriore die, quam princeps noverat ista.

- 585 Qui dans frena volat, rapidoque simillimus Euro
 Transcurrit spatium campi, juvenique propinquat,
 Ac sic obstantem compellat 'dic, homo, quisnam
 Sis? aut unde venis, vel quonam pergere tendis?',
 Heros magnanimus respondit talia dicens

- 590 'Sponte tua venias, an huc te miserit ullus,
 Scire velim?' Camelo tum reddidit ore superbo:
 'Noris Guntharium regem tellure potentem
 Me misisse, tuas quaesitum pergere causas.'

His auscultatis suggesterat hoc adolescens

- 595 'Ignoro penitus, quid opus sit forte viantis
 Scrutari causas; sed promere non trepidamus.
 Waltharius vocor, ex Aquitanis sum generatus.
 A genitore meo modicus puer, obsidis ergo,
 Sum datus ad Hunos; ibi vixi, nuncque recessi;
 600 Concupiens patriam dulcemque revisere gentem.'
 Missus ad haec: 'tibi jam dictus per me jubet heros,
 Ut cum scriniolis equitem des atque puellam;
 Quod si promptus agis, vitam concedet et artus.'

Waltharius contra fidenter protulit ista

- 605 'Stultius effatum me non audisse sophistam
 Arbitror. en memoras, quid princeps nescio vel quis
 Promittat, quod non retinet, nec fors retinebit.
 An deus est, ut jure mihi concedere vitam
 Posit? num manibus tetigit, num carcere trusit?
 610 Vel post terga meas torsit per vincula palmas?
 Attamen ausulta: si me certamine laxat,

582 metensi B. 584 nouerit A. E 588 uenis quo A. B. E.

594 haec C. 596 dubitamus B. mit übergeschriebnem trepidamus.

603 arcem C. 605 sophistae Molters unnöthige änderung, alle hss.
 sophistam. 608 concedere possit B. 609 uitam B.